

EDITORIAL

Tibuok kadasig nga saulugon ang ika-50 ka tuig sa Partido

Pagasaulugon sa Partido Komunista ng Pilipinas (PKP) ang ika-50 nga anibersaryo sa pagkatukod niini sa umaabot nga Disyembre 26. Sa mga mosunod nga bulan, atong ilunsad ang madasigon ug malukpanong kampanya aron saulugon ang nakab-ot nga mga kadaugan sa hut-ong mamumuo ug sa katawhang Pilipino sa lima ka dekada nga pagpaasdang sa mga rebolusyonaryong pakigbisog sa giya sa Partido.

Ginaawhag sa Partido ang tibuok rebolusyonaryong pwersa, tibuok dinugdaug ug pinahimuslan nga mosalmot sa pagsaulog aron labaw pang palig-onon ang determinasyon nga tibuok kadasig nga iasdad ang demokratikong rebolusyon sa katawhan.

Atong balik-lantawon ang nangaging 50 ka tuig sa rebolusyonaryong pakigbisog, gikan sa pagtumaw hangtud sa pag-asdang, sa mga pag-atras ug subling pag-abante, ug sa mga kadaugan, kapakyasan ug mas dagkung kadaugan. Atong tun-an ang kasaysayan sa rebolusyonaryong pakigbisog alang sa nasudnon ug katilingbanong kalingkawasan. Mokatlo kita sa mga pagtulun-an ug inspirasyon sa mga

sakripisyo sa mga martir ug bayani sa mga unang henerasyon sa mga proletaryong rebolusyonaryo.

Atong ipakita ang mga kadaugan sa nangaging 50 ka tuig sa rebolusyonaryong pakigbisog. Dinagkung kadaugan ang nakab-ot sa katawhang Pilipino sa pagpaasdang sa armado ug lain-laing dagway sa pakigbisog.

Sa pagpangulo sa Partido, padayon nga nagkakusog ang Bagong Hukbong Bayan (BHB) ug lig-on nga ginaasdang ang malungtarong gubat sa katawhan. Padayon nga nagatigum og kusog ang BHB sa armadong pakigbisog. Kaabag ang masang mag-

"Tibuok kadasig...", sundi sa panid 2

Reyd sa BHB sa Northern Samar, malampuson

MALAMPUSON ANG REYD nga gilunsad sa mga Pulang manggugubat sa Bagong Hukbong Bayan (BHB) batok sa Philippine National Police (PNP) Municipal Station sa Lapinig, Northern Samar niadtong Agosto 10, ala-1:44 sa kaadlawon. Sa inisyal nga mga taho, naka-sakmit og dili moubos sa siyam ka armas ug uban pang gamit ang mga Pulang manggugubat. Duha ka gin-sakpan sa pulis ang natahong samaron. Tungod niini, gisuspinde sa PNP ang taas nga upisyal sa prubinsya, lakip ang hepe sa mga pulis sa Lapinig.

Samtang lima ka magkasunod nga operasyong haras ang gilunsad sa BHB-North Central Mindanao Region. Sa Misamis Oriental, giharas sa BHB-Misamis

"Reyd...", sundi sa panid 3

"Tibuok kadasig...", gikan sa panid 1

uuma, ginaasayang niini sa tibuok nasud ang rebolusyong agraryo ug ginatukod ang organisadong kusog sa masa ug ang ilang mga organo sa pulitikanhong gahum. Sa tibuok Pilipinas, ginatukod ang demokratikong guberno sa katawhan gikan sa ang-ang baryo pataas.

Ginatukod sa Partido ang lapad nga panaghiusa sa katawhang Pilipino. Gipanguluhan niini ang National Democratic Front, ang pinakalapad ug pinakakonsolidadong bahin sa nagkahiusang prente. Ginapalihok niini ang demokratiko ug patriyotikong mga sektor aron mosalmot sa armadong pakigbisog. Mao kini ang dugukan sa lapad nga demokratikong nagkahiusang prente ug anti-pasista. Sa duha ka higayon, 1986 ug 2001, nanguna ang Partido sa lapad nga pagsukol sa katawhan, kaabag ang uban pang mga pwersa, nga may magpalagpot sa nangatungdanang reaksyunaryong rehimen.

Lapad ug lalum nga nakagamot ang Partido sa masang mamumuo, mag-uuma ug uban pang demokratikong hut-ong ug sektor sa tibuok nasud. Anaa kini sa uyukan sa hukbong bayan, sa mga organisasyong

masa, sa nagkahiusang prente ug sa mga organo sa pulitikanhong gahum. Gilunsad sa Partido ang Ika-duhang Kongreso niini niadtong 2016 nga nagpalig-on sa Konstitusyon ug Programa nga labaw pang gipalambo sa halos lima ka dekada sa rebolusyong kasinatian ug mga kadaugan. Ginagamit na karon ang maong mga dokumento aron kaylap nga magrekrut og bag-ong mga myembro sa Partido.

Tuntungan ang maong mga kadaugan aron dalhon ang nasudnon-demokratikong rebolusyon sa mas taas nga ang-ang sa mga umaabot nga panahon. Hilabihan ang pagtinguha sa katawhang Pilipino nga iasayang ang rebolusyon atubangan sa grabeng kadunot sa sistemang semikoloniyal ug semipyudal. Nagkagrabe ang nahiangman niining makanunayong krisis. Ang lunod-patay nga pasistang paghari sa rehimeng US-Duterte ug sa pinakagikasilagang mga reaksyunaryong pundok ang kalakip sa labawng paggrabe sa krisis sa nagharing sistema.

Busa, kinahanglang labaw pang iasayang ang makihut-ong ug demokratikong mga pakigbisog sa masang mamumuo, mag-uuma ug






uban pang dinaugdaug ug pinahimuslang hut-ong ug sektor. Kinahanglang labaw pang palapdon ug pakusgon ang nagkahiusang prente batok sa pasista ug papet nga rehimeng Duterte. Ipataas ug palapdon ang kahimatngon sa katawhang Pilipino ug ipunting ang ilang inadlaw-adlaw nga pakigbisog sa kinatibuk-ang nasudnon-demokratikong kalihukan.

Ilunsad ang malanugon nga taktikal nga opensiba kadungan sa pagsaulog sa ika-50 ka tuig nga anibersaryo sa Partido. Silutan ang mga kriminal nga pasistang yunit ug upisyal sa rehimeng US-Duterte. Hingpit nga pakyason ang desperadong pagsulay ni Duterte nga puohon ang armadong rebolusyon. Ipakita ang armadong pakigbisog isip nag-unang dagway sa pakigbisog ug ipataas ang diwang masakulon sa katawhan ug ang ilang paglaom sa rebolusyong pakigbisog.

Ang padayon nga pag-asayang sa rebolusyong Pilipino sa tanang natad ang nagpamatuod sa hustong pagdapat sa Partido sa unibersal nga teorya sa Marxismo-Leninismo-Maoismo sa kongkretong kahimtang sa Pilipinas ug ang pursigidong pagsalikway sa rebiyunismo ug sa lain-laing dagway sa suhetibismo ug oportunismo. Walay hunong nga nagalambo ang teorya ug praktika sa rebolusyong Pilipino.

Ang pagsaulog sa ika-50 nga anibersaryo sa Partido sa mga umaabot nga bulan usa ka bulawanong higayon aron gamiton ang Marxismo-Leninismo-Maoismo sa pagtibuok sa kasinatian sa tanang ang-ang ug natad sa pagrebolusyon. Subling magkat-on sa Una ug Ikaduhang Bantugang Kalihukang Pagtul-id ug gamitong giya ang mga pagtulun-an ug prinsipyo aron patigbabawan ang mga kahuyangan ug isalikway ang mga babag sa pag-asayang sa rebolusyon.

Okasyon usab kini aron labaw pang palalumon ang paghupot sa nagkagrabeng kahimtang sa semikoloniyal ug semipyudal sa Pilipinas atubangan sa nagkagrabeng krisis, malungtarong depresyon ug nagkagrabe nga mga kontradiksyon sa pangkalibutang sistemang kapitalista. Ibutyag ang nagapadayon nga

| | |
|---|--|
|  <p>Bolyum XLIX Ihap 16 Agosto 21, 2018</p> <p>Ang Ang Bayan ginapagawas sa pinulongang Pilipino, Bisaya, Iloko, Hiligaynon, Waray ug Ingles.</p> <p>Nagadawat ang Ang Bayan og mga kontribusyon sa porma sa mga artikulo ug balita. Ginaawhag usab ang mga tigbasa nga magpadangat og mga puna ug rekomendasyon sa pagpalambo sa atong mantalaan.</p> <p> instagram.com/sine.proletaryo</p> <p> @prwc_info</p> <p> fb.com/groups/cppinformationbureau</p> <p> cppinformationbureau@gmail.com</p> | <h2 style="text-decoration: underline;">Unod</h2> <p>Editorial: Tibuok kadasig nga saulugon ang ika-50 nga anibersaryo sa Partido 1</p> <p>Reyd sa BHB sa Northern Samar 1</p> <p>Pagtukod sa Partido sa Karlo 3</p> <p>Mga martir sa Panay, giparangalan 5</p> <p>Mga mag-uuma, gipatay sa AFP 6</p> <p>Pagtukod og mga detatsment 7</p> <p>Panagtigum sa katutubo sa Ilocos 8</p> <p>Protesta batok sa <i>crackdown</i> 8</p> |
| <p>Ang Ang Bayan ginamantala duha ka hugna matag bulan sa Komite Sentral sa Partido Komunista ng Pilipinas</p> | |

paghari ug interbensyon sa imperyalismong US sa ekonomiya, pulitika, militar ug kultura sa Pilipinas ug pagkontrol niini sa neokolonyal nga estado.

Ibutyag ang nagkagrang mga dagway sa pagpahimulos, pagpangdaugdaug ug pagpaantus sa masa sa mga nagharing hut-ong. Gamiton kining sukaranan aron labaw pang mapalambo ang mga taktika sa pagpukaw, pagorganisa ug pagpalihok sa lapad nga masa. Ihimugso ang lapad nga kalihukan alang sa katilingbanong pagtuki aron ibutyag ang aktwal nga kahimtang sa ekonomiya sa kinatubuk-an ug sitwasyon sa masa. Hagiton ug palihukon ang mga intelektwal nga langkaton ang ilusyon sa "paglambo" ug tukion ang kongkretong kahimtang sa masang Pilipino.

Sa mga umaabot nga bulan sa pagsaulog sa ika-50 nga anibersaryo sa Partido, ilhon ug ilalahon ang mga bayani ug martir sa rebolusyong Pilipino. Himuon silang inspirasyon ug sumbanan sa walay pagduhaduha nga pagalagad sa masa ug komunistang kaisog ug optimismo.

Palihukon ang pinakadakung ihap sa mga manunula, pintor, dibuhista, kompositor, mang-aawit ug uban pang artista aron magmugna og pinakadaghang posibleng ihap sa rebolusyonaryong minugnang arte. Ipatataw dinhi ang 50 ka tuig nga kamabayanhon sa katawhang Pilipino sa walay kamatayon nga rebolusyonaryong pagsukol batok sa imperyalismo, pyudalismo ug burukrata-kapitalismo. Iasdang ang arte nga alang sa katawhan ug ipasundayag kini sa kadalan ug mga komunidad, sa internet ug mga entablado.

Ideklara sa tibuok kalibutan ang pagsaulog sa ika-50 ka tuig nga anibersaryo sa Partido. Ipakaylap ang bulawanong bidlisiw sa rebolusyong Pilipino sa tibuok kalibutan. Motampo sa paghatag-kahayag sa dalan padulong sa bag-ong pagtikang sa mga demokratiko ug sosyalistang rebolusyon sa hut-ong mamumuo ug masang anakpawis sa tibuok kalibutan. AB

Ang pagtukod sa Partido sa Karlo



Isip tampo sa pagsaulog sa nagkaduol nga ika-50 nga anibersaryo sa Partido, pagasugdan sa Ang Bayan (AB) sa maong isyu ang serye sa mga artikulo kalabot sa mga tataw nga kasinatian sa pagtukod sa mga sangay sa Partido sa lain-laing natad sa rebolusyonaryong gimbuhaton. Nanawagan ang tagdumala sa AB sa tanan nga motampo sa maong serye pinaagi sa pagsumite sa inyong tataw nga mga sugilanon.



Baynte nuebe ka Pulang kumander ug manggugubat ang migradwar sa Intermedyang Kurso ng Partido (IKP) niining ulahing semana sa Agosto. Lakip sila sa Karlo, usa sa mga kumpanya sa Bagong Hukbong Bayan (BHB) nga nagalihok sa kabukiran sa Mindanao.

Matud ni Ka Rara, ang kalihim sa sangay sa Partido sulod sa Karlo, kabahin ang gilunsad nga IKP sa pagkonsolida sa mga pwersa ug pagpalig-on sa sangay sa Partido sa kumpanya. Ilalum sa balaod militar sa rehimeng US-Duterte, nagkagrabe ang atake sa Armed Forces of the Philippines (AFP) sa mga baryo ug komunidad nga ginalihukan sa Karlo.

Taliwala sa mga panagsangka nga ginalunsad aron panalipdan ang mga baryo ug magpahigayon og mga taktikal nga opensiba, kinahanglan ang maong tipo sa mga pagtuon aron mapalab-as ug mapataas pa ang pulitikanhong kahimatngon sa mga kauban.

Kabahin ang mga pormal nga pagtuon sama sa IKP sa komprehensibong programa sa sanga alang

"Karlo..." sundi sa panid 4

"Reyd..." gikan sa panid 1

Oriental ang nag-operasyong yunit sa 58th IB sa Pulo, Bantaawan niadtong Agosto 9. Usa ang patay sa mga sundalo.

Sa Bukidnon, Agosto 8, alas-12 sa udto, gipabuthan sa BHB ang nag-operasyong yunit sa 1st Special Forces Battalion sa Barangay Bontongon, Impasug-ong. Duha ang samaron sa mga sundalo.

Sa misunod nga adlaw, giharas sa BHB ang *howitzer crew* sa Ba-

rangay Bolunay sa parehong lungsod. Usa ang patay sa mga sundalo.

Sa Manolo Fortich sa parehong prubinsya, gipangpusil sa BHB ang detatsment sa CAFGU sa Guilang-guilang niadtong Agosto 12, alas 9:20 sa gabii.

Niadtong Agosto 17, alas-10:36 sa gabii, gipabuthan sa BHB ang *command post* sa 2nd Special Forces Company sa Dalwangan, Malaybalay City. AB

sa Karlo. Sa umaabot nga mga bulan, tinguha nilang Ka Rara nga labaw pang padaghanon ang ihap sa ginsakpan sa kumpanya ug ipataas ang katakus niini sa paglunsad og mga taktikal nga opensiba.

Aron makab-ot kini, kinahanglan ang inadlaw-adlaw nga pagtukod sa Partido aron magsilbing direktor sulod sa hukbong bayan. Nasabtan nilang Ka Rara nga ang pagpakusog sa Partido sulod sa Karlo ang yaweng dugtong aron ipataas ang katakus ug determinasyon sa BHB nga abagahon ang bug-at nga tahas sa pakiggubat.

Nakasubay ang inadlaw nga plano sa sanga sa gitibuok nga komprehensibong plano alang sa unom ka bulan, nga gibahin-bahin sa binulan nga mga taktikal nga plano. Gipasiugdahan sa komiteng tigpatuman (KT) sa sanga ang pagtibuok sa maong plano. Ginaases ang mga gimbuhaton sa sanga sa Karlo sa ideolohiya, pulitika ug organisasyon, ug nagahan-ay og bag-ong plano. "Pinakataas ang oras nga ginagahin namo sa hisgutanan sa pulitika," paambit ni Ka Rara. "Gikan sa gimbuhatong militar, gimbuhatong masa, produksyon, medikal, hangtud sa pagatiman sa kinaiyahan." Dugang niini, lagsik usab ang gimbuhaton sa ideolohiya. Matud pa ni Ka Rara, gawas sa mga pormal nga edukasyon, gusto sa mga kauban ang mga giimprinta nga balasahon sa Pambansa Demokratikong Paaralan ug kasinatian sa Byetnam.


Tanan nga mahinungdanong responsibilidad sa kumpanya sa Karlo ang ginahuptan sa mga ka-gawad sa KT. Sila ang pinakaabanteng mga elemento sa Partido ug ginaila nga mga modelo sa disiplina ug pagpatuman sa programa sa Partido. Sa Karlo, kapin 15 ang anaa sa KT nga nakalubog sa mga platuron ug iskward ug nagsilbing mga Pulang kumander, upisyal sa pulitika, lohistika, medikal, paniktik ug uban pa. "Magrekomenda pa kami og maayong kauban aron ilangkob sa KT," pagpatin-aw ni Ka Rara, "aron paigo ang ihap sa mga kadre nga mag-asikaso sa mga gimbuhaton ug sa masang myembro sa Partido."

Sulod sa BHB, ginatukod ang sanga sa Partido sa mga kumpan-

“Dili matukod ang demokratikong gubyerno sa katawhan kung walay hukbong bayan nga ang nag-una ug pinakaesensyal nga katungdanan mao ang panalipdan ug palig-unon kini.

Una sa tanan, ang demokratikong gubyerno sa katawhan dili matukod kung dili malampusong nagaasang ang hukbong bayan.”

Programa alang sa Demokratikong Rebolusyon sa Katawhan, 2016



ya. Sa Karlo, paspas nga napatuman ang mga plano sa sanga tungod sa kinaiya niining halos kada-adlaw nagatigum ang mga platuron. Magsugod ug matapos ang mga adlaw nga aktibong nagapatuman sa ginagmay ug dinagkung tahas ang mga myembro sa Partido isip mga Pulang kumander ug manggugubat. Sa pagmata sa kaadlawon, magpaambit na ang mga giyang pangpulitika sa mensahe nga ipasa sa matag elemento. "Pwedeng mga rebolusyonaryong panultihon, o usahay, pangmilitar nga mga mensahe, pananglitan, pagpamilyarisa sa alpabetong militar."

Pagkahuman niini, naga-andam usab og topiko nga alang sa diskusyon sa mga iskward samtang nagakonsultahanay ang yunit kumand, ang kumand militar sa yunit. Pagbalik sa mga kumander alang sa inadlaw nga *briefing*, lakip sa ginahan-ay ang nag-unang gimbuhaton subay sa gitakdang adlaw. "Ginasugdan na namo ang mga resolusyon nga maglatid og adlaw sa matag gimbuhaton," matud ni Ka Rara. Pananglitan niini, ang mga Lunes gigahin sa gimbuhatong literasiya-numerasiya, ang mga Sabado alang sa gimbuhatong militar ug uban pa. "Sa maong pag-iskedyul na ginasubay ang mga gimbuhaton, para sa matag semana, walay malaktawan," dugang pa niya.

Pagkahapon, magkonsultahay ang pulitikanhong seksyon aron aseson ang dagan sa mga gimbuhaton. Ang asesment nagagikan sa una ug regular nga mga pag-ases sa mga grupo sa Partido sa iskward ug platuron.

Naga-ases ang matag grupo sa Partido sa iskward matag semana, ug matag duha ka semana usab ang grupo sa Partido sa platuron.

Human ang ikaduhang pag-ases sa grupo sa Partido sa mga platuron, tibuukon kini sa sanga sa Karlo alang sa kasamtangang bulan. Pagapalamboon subay dinhi ang programa.

Tungod kay nag-unang yunit pangsangka, ginaseguro sa sanga sa Karlo nga kanunay taas ang diwa ug katakus sa matag upisyal ug manggugubat nga mosukol. Paunsa kini maseguro? "Subay sa plano sa sanga, ginaako sa yunit kumand ang paghatag og pulitiko-militar nga pagbansay, o mga *crash course* ayha pa kini," matud ni Ka Rara.

Dugang pa, nagagahin ang kumand sa dili moubos sa 30 minuto matag adlaw alang sa ehersisyong militar. Nagakumustahay ang mga tim matag duha ka adlaw aron tibuk-on ang masukulong diwa sa matag manggugubat. Pagka-ikatulong adlaw usab adunay pagpuna o pagpuna-sa-kaugalingon.

Lakip usab sa pagpanday sa Karlo ang hugot nga pagsubaybay sa mga kauban kung epektibo ba silang nakapapel sa gisangon nga mga gimbuhaton. Ang gihimo nilang Ka Rara, "kung nakita sa sanga nga dili interesado ang kauban sa gihatag nga tahas, amo gilayon siyang hatagan og bag-ong gimbuhaton. Ginakonsulta kung unsa ang gusto niyang papelan, ug didto namo siya ginapabwelo." Ginaawhag sa mga upisyal sa Partido ang mga kauban nga magpadangat sa iyang obserbasyon aron nga sa, "hisgutananang trabaho, wala nay mga bagahe."

Makuti usab ang pagpanday sa mga nakitaan og potensyal. Pananglitan ni Ka Rara, bisan adunay kasamtangang nalatid nga iskward lider, ginapa-floating una siya samtang adunay ginabansay nga

hulip nga kumander. "Relyebo gyud ang mga tawo para makabwelo."

"Kadaghanan kanila mga myembro na sa Partido," matud ni Ka Rara. "Ang nahabiling pipila ka manggugubat, ayha pa man marekluta, amo na nga ginapalsal mot sa mga gimbuhaton kung asa sila nakitaan og potensyal. Ginahatagan gilayon sila og tahas human mosampa isip myembro." Kasagaran, matag myembro sa Partido sa mga iskwad adunay ginagunitan nga tahas sama sa upisyal sa suplay, medik, tim lider ug uban pa. Sulod sa unom ka bulan hangtud usa ka tuig, paspas nga napalutaw sa sanga ang bag-ong mga myembro sa Partido nga mohupot sa mga responsibilidad ug magpatuman sa programa sa sanga.

Nasaksihan ni Ka Rara ang milabay nga upat ka tuig sa Karlo. Sa panahong gipakat siya sa kumpanya, anaa pa kini sa panahon sa pagbawi gikan sa mga kapakyasan. Gikan sa usa ka platoon, gidugangan sila ug nagpagsampa hangtud sa subling pagdaku. Paglabay sa mga tuig, maingon nga bata ang komposisyon sa sanga sa Karlo. 36 anyos pa lang ang pinakahamtong nga myembro. Apan salig si Ka Rara sa mga makab-ot sa kumpanya. Salig siya nga kayang atubangon sa mga kauban ang mga sakripisyo. Usa ka pribilehiyo alang sa sanga nga karon pa lang, nakakuha na og pagtuon ug pagbansay, tungod sa pagdaku sa Karlo, kadungan niini ang mas bug-at nga responsibilidad.

Sa kung unsa nga tipo sa komite ang iyang ginalantaw, mahinungdanon ang mga gipaambit ni Ka Rara: "Himsog nga kinabuhi sa Partido. Lagsik nga kinabuhi sa Partido sulod sa Karlo, aron makita kung unsa pa ang kinahanglan aron makab-ot ang mga gitinguha. Isip pangpulitikang direktor sa kumpanya, kinahanglan nga siya ang pinakasolido, pinakalisto sa pagtan-aw sa mga problema aron hinanali usab nga mahatagan og solusyon. Kung dili himsog ang Partido, wala ang tanan."

AB

Mga martir sa PKP-Panay, giparangalan

Giparangalan sa National Democratic Front (NDF)-Panay ug sa tibuok rebolusyonaryong kalihukan ang pito ka myembro sa komite sa propaganda ug edukasyon sa Partido Komunista ng Pilipinas (PKP) sa isla sa Panay.

Pito ka kauban ang brutal nga gimasaker sa giusang pwersa sa militar ug pulis niadtong Agosto 15, tunga-tunga sa gabii, sa Barangay Atabay, San Jose, Antique.

Silang Felix Salditos (Ka Dudi), Eldie Labinghisa (Ka Ipoy), Peter Mecinas (Ka Elton), Karen Ceralvo (Ka Liway), Liezl Bandiola (Ka Mayang), Jason Talibo (Ka Bebe) ug Jason Sanchez ang matawag nga lakip sa pinakamaayong anak sa katawhan. Gihalad nila ang pinakamabungahon ug produktibong mga tuig sa pag-alagad sa katawhan ug pagpaaslang sa rebolusyonaryong kalihukan sa Panay.

Upat sa pito ka martir ang mga kadre sa propaganda ug kultura. Nagsilbi sa rebolusyon si Salditos sulod sa 40 ka tuig isip manunula, dibuhista ug pintor. Naila siya siya isip Mayamor sa iyang mga sinulat, ug isip Maya Daniel sa *social media*. Siya ang nagdumala sa pangmasang mantalaan sa Panay, ang *Dabadaba*, ug dibuhista sa komiks niining Caduy. Gigamit sa tibuok rebolusyonaryong kalihukan ang iyang mga obra sa mga pagtuon ug propaganda. Mayor siyang kontribyutor sa Ulos ug sa PRWC.

Usa usab ka biswal nga artista ug manunula si Labinghisa. Kasagaran usab nga nagasulat og tula silang Bandiola ug Ceralvo samtang nagapapel isip mga instruktur sa mga pormal nga pagtuon sa Partido sa rehiyon.

Sa usa ka pamahayag niadtong Agosto 15, hugot nga gikundena ni Ka Concha Araneta, tigpamaba sa NDF-Panay, ang brutal nga gimasaker sa giusang pwersa sa 301st IBde, 61st IB ug pulisya sa pito ka kauban.

Giatake sa dili moubos sa 100 ka armadong ginsakpan sa estado ang gipundohan nilang balay ug gipatay sila samtang nangatulog. Anaa sa Barangay Atabay kaniadto ang mga kauban aron magpahigayon og panukiduki ug imbestiga-

syon sa kahimtang sa katawhan sa Antique, ang pinakakabus nga prubinsya sa Panay.

Gipanghimakak ni Ka Concha ang mga gipamahayag sa AFP ug PNP aron tabunan ang ilang krimen. Masaker, dili panagsangka, ang nahitabo. Dili armado ug dili mahimong ilhon nga mga kombantant ang pito. Matud ni Ka Concha, dili tinuod nga unang nagpabuto ang mga kauban. Ang bugtong nga nagpabuto mao ang mga merse-naryong tropa, nga mihunong lamang sa pagpaulan og bala sa dihang seguridad na silang patay na ang tanan nga anaa sulod sa balay.

Dakung bakak usab ang gipakitang armas nga gigamit kuno sa mga kauban aron mosukol. Tinaw kaayo nga gitanom ang mga ebidensyang giingon sa pulis nga granada, .38 kalibreng pistola ug usa ka M203 granada (walay riple). Wala mituo bisan ang midya sa bakak nga misukol ang mga kauban sulod sa 30 minuto gamit ang maong mga armas. Nagpalusot pa ang PNP nga maghatag lang kuno sila og mandamyento de aresto sa duha sa mga gipatay.

Matud ni Ka Concha, lisud dawaton nga sa usa lang ka pamilok, nawad-an ang rebolusyonaryong kalihukan og mga kaubang puno og abilidad, talento, khibalo ug kadasig. "Ilang gihataga'g kinabuhi, ingon man og musika, kalagsik ug kinabuhi, ang rebolusyonaryong propaganda ug kultura alang sa katawhang nilupigan, alang sa tinuod nga kagawasan, hustisya ug kalinaw," matud ni Ka Concha.

"Dili matapos sa atong mga luha ang atong pagbangotan," matud pa ni Ka Concha. "Gusto sa atong mga rebolusyonaryong martir nga itransporma ang atong kasubo sa kaisog ug ipataas ang atong mga kamao ug tibuok kusog nga isinggit nga iaslang ang rebolusyon!" dugang pa niya.

AB

Mga mag-uuma, gipatay sa mga operasyong kombat sa AFP

Duha ka mag-uuma ang patay ug usa ang samaron sa walay kukaluoy nga pagpang-istraping sa mga elemento sa 23rd IB ug CAFGU sa ilang payag pahulayan niadtong Agosto 5, alas-5 sa buntag, sa Purok 4, Barangay Oromica, Esperanza sa Agusan del Sur. Napatay silang Juan Precioso ug Kent Montilla ug samaron si Robert Tambilisan samtang nakaluwas sa pagpamusil silang Joseph Tambilisan ug Tata Merano. Pulos mga kabus nga mag-uuma ang lima nga anaa sa lugar aron manghawan sa umahan.

Niadtong adlaw, sayo nga mi-naog sa payag silang Precioso ug Joseph Tambilisan aron mangan-dam sa ikatulong adlaw sa pag-panghawan. Dili pa sila layo sa pa-yag sa dihang kalit na lamang si-lang gipaulanan og bala. Namatay gilayon si Precioso samtang naka-dagan si Tambilisan. Si Kent Mon-tilla, nga kanhi anaa sulod sa ba-lay, ang naigo sa ulo samtang na-galikay sa mga buto.

Naila ang mga kriminal nga mga elemento sa CAFGU, kauban ang duha ka sundalo sa 23rd IB nga nakabase sa mga detatsment sa CAFGU-CAA sa mga barangay sa Tandang Sora ug Guadalupe, parehong anaa sa Esperanza. Aron tabunan ang ilang krimen, gidekla-ra sa AFP nga mga myembro sa BHB ang mga mag-uuma, nga ku-nuhay nakigpinusilay kanila. Gi-panghimakak kini sa mga residente sa Barangay Oro ug mga paryente sa mga biktima.

Sa Bukidnon, usa ka mag-uuma ang gipatay ug usa ang samaron sa dihang gipangpusil sila sa mga ele-mento sa 403rd IBde sa Sityo Ca-maca, Barangay Bontongon, Impa-sug-ong niadtong Agosto 8, alas-9 sa buntag. Napatay si Anyong Minio ug samaron ang iyang igsoon, pare-hong residente sa maong barangay. Nagpahigayon og "nakapokus" nga operasyong kombat ang mga sunda-lo batok kuno sa mga yunit sa BHB sa lugar. Susama sa laing insidente, gipagawas sa AFP nga mga Pulang manggugubat ang ilang gipatay nga sibilyan.

Sa misunod nga adlaw, tulo ka beses nga gibomba ug giistraping sa mga helikopter sa AFP ang mga umahan ibabaw sa baryo. Nagbu-nga kini og kahadlok sa mga resi-dente ug nagtukmod sa dili moubos

sa 40 ka indibidwal nga magbakwit padulong sa sentro sa Impasug-ong. Gibawalan usab ang mga resi-dente sa mga kasikbit nga baryo nga mogawas sa ilang mga komu-nidad aron mopalit og pagkaon o moadto sa ilang mga umahan.

Sa Masbate, padayon ang pag-sabwag og teror sa militar sa Ba-rangay Talisay, San Fernando. Niadtong Agosto 11, iligal nga gi-sulod ug giransak sa mga sundalo gikan sa 2nd IB ug 19th MICO ang dili moubos sa siyam ka balay sa mga sibilyan. Gipanguha sa mga sundalo ang mga personal nga ga-mit sa mga residente, lakip ang kwarta, selpon, telebisyon ug bisan ang pahumot. Gawas sa pagpa-ngawat, gipanglaparo ug gikulata usab ang mga biktima nga silang Sally Bona, Ramon Bartolay ug magtiayong Paeng ug Jeneve Bar-tolay. Ikatulo nga insidente na sa pagpang-abuso ug pagpangawat sa mga sundalo sa lugar ang maong panghitabo.

Sa Mt. Province, padayon nga gikampuhan sa mga elemento sa 81st IB ang Sityo Dandanac, Bara-ngay Tamboan, Besao human giambus sa BHB-Mt. Province ang ilang tropa niadtong Hulyo 14-15. Gihimong base sa mga sundalo ang ilang balay sa mga residente, lakip ang mga balay nilang Carol Bagyan, tigpanalipod sa katungod-tawo ug myembro sa Cordillera People's Alliance, ug Rhoda Dalang, lider sa Center for Development Programs in the Cordillera. Giobluga sa mga sundalo nga mokuha og "safe con-duct pass" o kanunay nga ma-nanghid ang mga residente kung mogawas sa baryo ug gipahugtan ang ilang mga lihod. Tungod niini, apektado ang pagtrabaho sa taga-baryo sa ilang mga umahan. Mire-

sulta kini sa pagkalangan sa ilang pag-ani, bisan ang ilang subling pagpananom.

Sa Davao Oriental, pugos nga gipabakwit sa 67th IB ang 200 ka Lumad ug mag-uuma sa Barangay Tomoaong, Tarragona human ang serye sa mga taktikal nga opensiba nga gilunsad sa BHB sa lugar niad-tong Hulyo 27. Nagpahamtang usab og blokeyo sa pagkaon ang mga sundalo aron babagan ang pagpalit og pagkaon sa mga mag-uuma.

Pagpang-aresto ug pagpamig-ot

Sa Sorsogon, iligal nga giaresto sa 31st IB si Amadeo Grayda, usa ka sibilyan, ug gipagawas nga ak-tibong myembro sa BHB-Sorsogon niining Agosto. Si Grayda, resi-dente sa Barangay Catanusan, Ju-ban nga 2009 pa mitiwalag sa BHB. Matud sa BHB-Sorsogon, ang iligal nga mga pagpang-aresto sa mga sibilyang sama ni Grayda, kabahin sa pag-apas sa militar sa ilang target nga puohon ang BHB sa ti-buok nasud sulod sa tuig 2018. Ti-mailhan kini sa ilang desperasyon.

Niadtong Agosto 11, iligal nga giaresto ug gipasakaan og gama-gamang kaso ang magtiayong Ro-wena ug Oliver Rosales, mga kan-hing organisador sa COURAGE. Giaresto sila samtang nagabyahe sa Barangay Wawa, Balagtas, Bu-lacan. Niadtong 2015, gihatagan sa Korte Suprema ang magtiayon og *writ of amparo* (proteksyon batok sa sarbeylans ug pagpamig-ot gi-kan sa AFP), kauban sa lain pang myembro sa COURAGE.

Niadtong tunga-tunga sa gabii sa Agosto 8, giharang sa Bureau of Immigration ug wala gipasulod sa nasud si Prof. Gill Boeringer, usa ka Australian nga propesor, tungod kay mitambong kuno siya sa mga rali batok sa APEC niadtong 2015. Gipugos siya nga mobalik sa Australia niadtong Agosto 14, hu-man sa usa ka semana nga pag-pundo sulod sa airport. Myembro si Prof. Boeringer sa International League of Peoples' Struggles (ILPS) ug aktibong nagasuporta sa mga pakigbisog sa masang kabus sa

lain-laing bahin sa kalibutan. Lakip siya sa listahan sa mga myembro sa ILPS, parehong langyaw ug Pilipino, nga bawal na nga pasudlon sa nasud. Direkta kining paglapas sa katungod sa mga indibidwal ug katawhan nga mosalmot sa unsamang mga kalihukan alang sa pagpaas-dang sa bata kang mga katungod-tawo ug pundamental nga mga ka-gawasan.

Kontra-opensiba sa ligal

Malampuson nga napabasura sa mga abugado sa upat ka aktibista ang paglakip kanila sa listahan sa mga "terorista" nga gipagawas sa rehimeng Duterte niadtong Nobyembre 2017. Gipirmahan sa Manila Regional Trial Court niadtong Hulyo 27 ang usa ka resolusyon nga nag-ingon nga dili pwedeng papanubag-on silang kanhi Bayan Muna Rep. Satur Ocampo sa Bayan Muna, Rafael Baylosis, Victoria Lucia Tauli-Corpus ug Jose Mencio Molintas sa kaso sa pagdeklara sa Partido Komunista ng Pilipinas ug BHB isip mga "teroristang organisasyon." Tungod kay nakapunting ang maong deklarasyon sa "organisasyon, asosasyon o grupo sa mga indibidwal" ug dili sa partikular nga mga indibidwal. Lakip ang upat sa 600 ka indibidwal nga ginapadeklara sa Department of Justice isip mga terorista sa usa ka kaso nga gipasaka niini niadtong Pebrero.

Niadtong Agosto 8, gibasura usab sa korte sa Nueva Ecija ang gama-gamang kaso sa pagpatay batok sa upat ka kanhing kongresista sa blokeng Makabayan. Gipakan-sela usab niini ang mandamyento de aresto batok nilang Satur Ocampo, Teddy Casino, Liza Maza ug Rafael Mariano. Kini human maghaon og P2 milyon nga reward ang mga alipures sa rehimeng Duterte aron itudlo ang lokasyon sa upat ayha ang adlaw sa pagdungog.

Matud sa Karapatan, mikabat na sa 700 ang mga iligal nga giaresto sa rehimeng US-Duterte. Anaa sa 129 ka mga aktibista ug tigpanalipod sa katungod-tawo ang iligal nga giaresto ug gipasakahan og mga kaso sukad nga gitukod ang Inter-Agency Committee on Legal Action (IACLA) niadtong Oktubre 2017. Ang IACLA ang ahensyang gilakuban sa mga upisyal sa militar ug pulis. AB

Mga detatsment sa AFP, ginatukod sa NEMR

Ialalum sa rehimeng US-Duterte, labaw nga gipadaghan sa Armed Forces of the Philippines (AFP) ang mga ginatukod niining detatsment sa militar sa Mindanao. Partikular sa rehiyon sa Northeast Mindanao, dili moubos sa 100 ang mga detatsment sa AFP ug CAFGU. Pipila niini ang pipila ka dekada na nga nakabarog, sama sa Padiay, Sibagat sa Agusan del Sur; Bolhoon, San Miguel sa Surigao del Sur; Puting Bato, Cabadbaran sa Agusan del Norte; ug Marga, Tubod sa Surigao del Norte. Sa kasamtangan, paspas kining ginadugangan.

Yaweng bahin sa Oplan Kapayapaan ug balaod militar ang pagmontar sa maong mga detatsment sulod o palibot sa mga sibilyang komunidad. Ginagamit kini aron panid-an, hadlukon ug pig-uton ang mga sibilyan sa magkasikbit nga baryo ug magsabwag og kalisang sa mga komunidad.

Nagsilbing gwardya ang maong mga detatsment sa nagatunhay na nga mga imperyalistang negosyo ug sa mga lugar nga gusto nilang sakupon. Instrumento kini aron panalipdan ang mga yuta ug uban pang kabtangan sa mga langyaw'ng korporasyon, ingonman sa mga lokal nga agalong yutaan samtang ginasumpo ang mga katungod ug panginabuhian sa lapad nga masang mag-uuma ug katutubo sa kabanikanhan.

Sulod sa taas nga panahon, nagsilbi kini isip mga sentro sa mga gimbuhatong anti-sosyal, sama sa iligal nga droga, pagpangawat, pagpangidnap ug uban pang krimen.

Kaylap sa maong mga de-

tatsment ang pagpangilkil sa gagmayng minero, magtotoso ug uban pang gagmay nga negosyo, kakunsabo ang mga grupong paramilitar. Sa NEMR, kakunsabo nila ang pinakalunod-patay nga paramilitar sama sa grupo nilang Hasmen Acebedo, Marcos Bocales, Rico Maca ug Calpet Egua. Ginabayaran usab sila sa dagkong kapitalista ug agalong yutaan sa pagpangilog og yuta alang sa mga komersyal nga plantasyon ug mina.

Sentro sa rekrutment sa CAFGU

Nagsilbing sentro ang mga detatsment sa pugos nga rekrutment alang sa CAFGU. Lilong sa kahibalo sa tagabaryo, ginalakip sa mga sundalo ang pangalan sa mga residente sa listahan sa mga kinahanglang magpa-"clear" sa militar. Nagpahamtang ang AFP og kota sa mga upisyal sa barangay alang sa mga bag-ong rekrut nga CAFGU ug pugsanong ginapailalum sa pagbansay-militar. Nagpahamtang usab og kota sa mga bag-ong rekrut ang AFP sa



mga upisyal sa barangay. Gina-silutan ang mga dili motuman.

Ginasaaran ang mga rekrut sa CAFGU og alawans apan kasagaran wala kini ginahatan o kung ginahatag man daku na ang gikupit sa mga upisyal. Adunay mga higayon nga ginaila sa mga sundalo nga "utang" ang mga sweldo sa CAFGU ug ginapabayaran pa kanila nga adunay 20% nga interes.

Ginahimong ulipon ang mga ginsakpan sa CAFGU sa mga detatsment. Ginahimo usab sila isip paon ug panagang sa mga operasyong kombat.

Sa pangkinatibuk-an, nagsilbing mga *forward deployed force* ang mga detatsment sa mga lugar nga gidudahan sa AFP nga mga base sa BHB. Sentro ang maong mga detatsment dili lang sa mga operasyong kombat, kun dili lakip sa mga operasyon sa mga *peace and development team* (PDT).

Salot sa katawhan

Hilabihan kalayo sa kama-tuoran ang pamahayag sa AFP nga ginahangyo kuno sa mga sibilyan ang pagpatukod sa mga detatsment sa ilang mga komunidad. Sa aktwal, aktibo kining ginasuklan sa katawhan. Pipila lang dinhi ang kaso sa pagbabag sa mga residente sa Lianga, Surigao de Sur ug Lagonglong, Misamis Oriental. Dinhi, pugos nga namakwit ang mga residente sa mga komunidad nga adunay ginatukod nga mga detatsment aron moikyas sa pagpang-abuso ug grabeng militarisasyon sa ilang lugar.

Taas na ang listahan sa mga paglapas sa katungod-tawo sa mga komunidad nga adunay detatsment sa AFP ug CAFGU. Daghan na nga kaso sa iligal nga pagpang-aresto, pagpangulata, pagpangransak sa mga balay sa sibilyan ug pagpamatay ang nado-kumento sa maong mga lugar. Kasagaran usab nga ginapahamtang dinhi ang mga restriksyon sama sa *curfew* ug makadaut mga blokeyo sa pagkaon ug komersyo nga nagapugong sa lihok sa mga residente ug nagaapekto sa ilang panginabuhian. AB

Unang tigum sa mga katutubo sa Ilocos, gipahigayon

Sa Ilocos Sur, nagtigum ang 60 ka representante sa mga tribong Bago, Isnag-Yapayao ug Tingguian gikan sa Ilocos Norte, Ilocos Sur ug La Union. Gilunsad nila ang First Ilocos Indigenous Peoples Convergence and Consultation niadtong Agosto 9 sa Cabugao, Ilocos Sur.

Sa tigum, nagpaambit og kasi-natian ug kahimtang ang lain-laining grupong minorya sa rehiyon. Tukma sa panahon ang aktibidad tungod kay nag-unang target sa proyektong imprastruktura ni Duterte ang ilang yutang kabilin. Gipasiugdahan sa Ilocos Region Ecumenical Council ang maong aktibidad.

Matud sa pamahayag sa mga delegado, ang proyektong *hydro-power* ug eko-turismo sa rehimen ang nagapasamot sa pagpangguba ug pugos nga pagpalayas sa korporasyon sa mina sa ilang mga yutang kabilin. Lakip sa mga gilapag nga hisgutanan sa mga mitambong ang dili pag-ila sa lokal nga gubyrno sa ilang representante, sama sa nahitabo sa La Union.

Gilapag usab sa usa ka myembro sa tribong Isnag-Yapayao ang wala pag-ila sa lokal nga gubyrno sa pagdumili sa ilang tribo nga maghatag og pagtugot sa mga langyawng kumpanya sa enerhiya sa Caunayan, Pagudpud sa Ilocos Norte. Tungod kay pakyas nga makakuha og pagtugot ang maong kumpanya, nakigkunsabo kini sa National Commission on Indigenous People nga nagtukod og usa ka pekeng organisasyon aron madayon ang ilang mga operasyon.

Gibatikos usab ni Nick Laden sa tribong Bago ug lider sa Timpuyog ti Mannalon ti Karayan Buaya ang National Irrigation Authority sa pagtukod niini og dam sa ilang munisipyo luyo sa walay pagtugot gikan sa mga residente.

Sa pagtapos sa tigum, gipirmahan sa mga mitambong ang usa ka deklarasyon sa panaghiusa. Gihtagagan nila og duot ang paghikaw sa rehimeng US-Duterte sa ilang katungod nga gamiton ug palambuan ang ilang yutang kabilin ug ang walay pagtagad niini sa ilang mga nag-unang panginahanglan. Gikundena usab nila ang paghikaw sa ilang katungod nga mangulo, modumala ug mopalambo sa ilang katakus sa ekonomiya ug mopalambo sa ilang kultura.

Adlaw sa mga nasudnong minorya

Niadto usang Agosto 9, naglunsad og koordinadong protesta ang mga balangay sa Kalipunan ng Katutubong Mamamayan ng Pilipinas sa lain-laining syudad sa Maynila, Nueva Vizcaya, Baguio, Pampanga, Iloilo, Surigao del Sur, Davao City ug Misamis Oriental isip paghandum sa Pangkalibutang Adlaw sa mga nasudnong minorya.

Sa maong mga protesta, gikundena nila ang sistematikong paglapas sa rehimeng US-Duterte sa ilang mga katungod. Sa ilang taho, mokabat na og 47 ka katutubo ang gipatay ilalum sa rehimen. Nakati-buok usab sila og 24 ka insidente sa pagpamomba nga nagresulta sa pugos nga pagbakwit sa 27,000 ka katutubo sa tibuok nasud. Anaa sa 384 usab ang mga insidente sa pagpang-atake sa mga komunidad sa katutubo. Sa Mindanao, 72 ka eskwelahan na sa mga Lumad ang nasirad-an bunga sa padayon nga militarisasyon ug pagpanumpo sa kanila sa AFP. AB

Protesta batok sa crackdown

ISIP PAGKUNDENA sa pulitikanhong pagpanumpo ug pagpang-atake sa rehimeng Duterte, nagprotesta ang mga progresibong organisasyon sa Mendiola, Maynila niadtong Agosto 16. Matud nila, subling gibanhaw ni Duterte ang mekanismo sa rehimeng Arroyo sa pagpanumpo sa katungod-tawo. Naatol ang kalihukan sa pagdumdum sa unang tuig sa kamatayon ni Kian delos Santos ilalum sa hungog nga gyera kontra-droga ni Duterte. AB